

PWYLLGOR ARCHWILIO PERFFORMIAD

Cofnodion cyfarfod o'r Pwyllgor Archwilio Perfformiad a gynhaliwyd yn Ystafell Bwyllgor 1a, Neuadd y Sir, Rhuthun, Dydd Iau, 5 Ebrill 2012 am 9.30 am.

YN BRESENNOL

Y Cynghorwyr Bobby Feeley (Cadeirydd) a/ac Huw Jones (Is-Gadeirydd)

HEFYD YN BRESENNOL

Y Cynghorydd Bill Cowie, Y Cynghorydd Meirick Lloyd Davies, Y Cynghorydd Selwyn Thomas a/ac Y Cynghorydd Julian Thompson Hill

1 YMDDIHEURIADAU

Derbyniwyd ymddiheuriadau am absenoldeb oddi wrth y Cynghorwr(wyr) Colin Hughes, Rhys Hughes a/ac David Lee

2 DATGAN BUDDIANNAU

Ni ddatganwyd dim buddiannau personol neu fuddiannau sy'n rhagfarnu mewn unrhyw eitem o fusnes.

3 MATERION BRYD FEL Y'U CYTUNWYD GAN Y CADEIRYDD

Ni chodwyd unrhyw eitemau y dylid ym marn y Cadeirydd, eu hystyried yn y cyfarfod fel mater o frys yn unol ag Adran 100B(4) o Ddeddf Llywodraeth Leol, 1972.

4 COFNODION Y CYFARFOD DIWETHAF

Cyflwynwyd cofnodion cyfarfod y Pwyllgor Craffu Perfformiad a gynhaliwyd ar ddydd Iau, 23ain Chwefror, 2012.

Materion yn codi:-

Trwyddedu tacsis

Cyfeiriodd y Cydlynnydd Craffu (SC) at ymholiad a godwyd gan y Cynghorydd T.R. Hughes yn y cyfarfod blaenorol ynglŷn â thrwyddedu tacsis sy'n gweithredu yn Sir Ddinbych gan awdurdodau lleol eraill. Roedd ymateb wedi'i gyflwyno gan Bennaeth Archwilio Mewnol (a gynhwyswyd yn Niweddariad Gwybodaeth Pwyllgor Craffu Perfformiad a baratowyd gan SC ac a rannwyd yn y cyfarfod), a oedd yn cadarnhau nad oedd gan y Cyngor ddim rheolaeth dros yrwyr tacsis a oedd wedi'u trwyddedu mewn ardaloedd eraill sy'n gweithredu yn y sir, ond yn nodi y byddai cyflwyno

gwiriadau CRB manylach gorfodol ar draws y DU o ddiwedd Ebrill 2012 yn mynd peth ffordd tuag at sicrhau cydymffurfiaeth â safonau CSDd ar gyfer trwyddedau a ganiateir yn allanol. Serch hynny, cyfaddefwyd nad oedd dim deddfwriaeth yn bodoli a fyddai'n gorfodi cerbydau i gwrdd â safonau archwilio cerbydau CSDd ar gyfer trwyddedau a roddir y tu allan i'r Sir.

Gofynnodd y Cynghorydd L.M. Morris a oedd yn bosibl ychwanegu gofyniad i dacsis a ddefnyddir i gludo plant ysgol gael eu trwyddedu gan CSDd. Dywedodd Pennaeth Gwasanaethau Cynllunio, Adfywio a Rheoleiddio (PGCARh) y byddai hyn yn debygol o fod yn gyfystyr â chyfyngu'n annheg ar fasnachu, ond ychwanegodd fod angen trwydded bellach i gludo plant ysgol sy'n fwy llym na'r drwydded tacsî safonol. Awgrymodd y Cynghorydd I.A. Gunning y dylai gwiriadau CRB gael eu gwneud yn flynyddol a dywedwyd wrtho eu bod yn cael eu gwneud bob 3 blynedd ar hyn o bryd, ond bod dalwyr trwyddedau yn gorfod arwyddo ffurflen bob blwyddyn i gadarnhau nad ydynt wedi'u cael yn euog o unrhyw drosedd. Pwysleisiodd Pennaeth Archwilio Mewnol (PAM) fod cyflwyno gwiriadau CRB manylach ar gyfer pob gyrrwr tacsî trwyddedig yn golygu mai'r prif fater i'w ddatrys oedd sicrhau addasrwydd cerbydau.

Dywedodd PAM fod ei dîm yn archwilio trwyddedu a diogelu tacsîs ar hyn o bryd a rhagwelai y byddai adroddiad am ganfyddiadau'r tîm ar gael i'w gyflwyno i'r Pwyllgor Craffu Perfformiad ym mis Gorffennaf neu fis Medi.

PENDERFYNWYD – *derbyn a chymeradwyo'r Cofnodion fel rhai cywir.*

5 APELIADAU CYNLLUNIO

Cyflwynodd Pennaeth Gwasanaethau Cynllunio, Adfywio a Rheoleiddio adroddiad, a gylchlythyrwyd cyn y cyfarfod, a oedd yn rhoi dadansoddiad o benderfyniadau apeliadau cynllunio o fis Ebrill 2011 hyd yma. Gofynnwyd am yr adroddiad ar ôl ystyried eitem ar berfformiad cyffredinol Gwasanaethau Cynllunio, Adfywio a Rheoleiddio yng nghyfarfod diwethaf y Pwyllgor Craffu Perfformiad, pan oedd pryder wedi'i godi ynghylch y cynnydd yng nghyfran yr apeliadau cynllunio llwyddiannus.

Eglurodd PGCARh fod tua 10% o geisiadau cynllunio yn cael eu gwrthod ac er mis Ebrill 2011 roedd 18 apêl wedi'i chyflwyno yn erbyn penderfyniadau i wrthod caniatâd cynllunio. O'r apeliadau hyn, roedd 7 wedi'u caniatáu a gwrthodwyd 18. Oherwydd maint y sampl, gallai newid bach yn y patrwm gael effaith arwyddocaol ar yr ystadegau ac awgrymodd PGCARh nad oedd y cynnydd sydyn yn yr apeliadau llwyddiannus i'w briodoli'n awtomatig i wneud penderfyniadau gwael yn y lle cyntaf, gyda'r ystadegau ar gyfer y flwyddyn bresennol bellach yn dangos gostyngiad yng nghyfran yr apeliadau llwyddiannus.

Gwnaeth y Cadeirydd y sylw, o'r 8 penderfyniad a wnaed gan swyddogion dan awdurdod dirprwyedig yr apeliwyd yn eu herbyn, bod 4 o'r apeliadau hyn wedi bod yn llwyddiannus, a gofynnodd a oedd y penderfyniadau a wnaed gan swyddogion yn hollol gytbwys. Cydnabu'r Rheolwr Rheoli Datblygu (RhRhD) yr angen i swyddogion fod wedi'u hyfforddi'n llawn, ond eglurodd fod gwneud penderfyniadau

yn weithred falansio anodd a bod swyddogion, mewn achosion dadleuol, yn tueddu i ddilyn barn y Cyngor Tref neu Gymuned perthnasol. Gwnaeth y Cynghorydd G.C. Evans y sylw fod y dylanwad yr oedd gan y Cynghorau Tref a Chymuned yn y broses yn annog eu haelodaeth i gredu bod ganddynt yr hawl penderfynu mewn materion cynllunio. Roedd angen clir i gynghorau tref a chymuned gael eu hyfforddi'n llawn ar ddeddfwriaeth gynllunio a bod yn gyfarwydd â'u rôl yn y broses ceisiadau cynllunio. Tynnodd y Cynghorydd Evans sylw'r Pwyllgor hefyd at yr angen i aelodau Cydbwyllgor Ymgynghorol yr Ardal o Harddwch Naturiol Eithriadol (AHNE) (yn cynnwys eu swyddogion) dderbyn hyfforddiant priodol yn y materion hyn ac i'r hyfforddiant hwnnw bwysleisio'r pwysigrwydd i'r AHNE ffurfio argymhellion clir, hawdd eu deall mewn perthynas â cheisiadau cynllunio i'r awdurdod cynllunio lleol. Yn ogystal cododd y Cynghorydd Evans nifer o faterion yn ymwneud â dehongli 'swyddogaethau penodol' y Cyngor mewn perthynas â phenderfyniadau dirprwyedig, ac â defnydd ac effeithiolrwydd 'hysbysiadau atal' a hysbysiadau s.215 yn erbyn tir aflêr dan Ddeddf Cynllunio Gwlad a Thref, 1990. Cadarnhaodd PGCARh mai dim ond llawn llaw o 'hysbysiadau atal' a oedd wedi'u cyhoeddi er 1996.

Cydnabu'r Cynghorydd I.A. Gunning yr anhawster wrth fodloni pawb mewn anghydfod cynllunio, a gofynnodd a oedd yn bosib datblygu deialog agosach rhwng preswylwyr a datblygwyr trwy gyfryngu neu ymgysylltu'n well â chymdeithasau preswylwyr lleol. Awgrymodd hefyd y gall fod yn ddefnyddiol petai'r hyfforddiant a oedd i'w gyflenwi i gynghorau tref a chymuned yn cael ei ymestyn i gymdeithasau preswylwyr. Hysbysodd PGCARh fod proses statudol ar gyfer cyfryngu yn bodoli, ond y byddai ag angen cyfranogiad y ddwy ochr ac nad oedd pob datblygwr yn awyddus i gymryd rhan yn y broses. Ychwanegodd RhRhD y dylai ymgysylltu â phreswylwyr lleol yn gynnar gael effaith gadarnhaol. Awgrymodd unwaith yr oedd yr hyfforddiant wedi'i gyflenwi i bob cyngor tref a chymuned y gellid rhoi ystyriaeth i'w ymestyn i fudiadau megis cymdeithasau preswylwyr. Haerodd y Cynghorydd S. Thomas fod y Cynghorau Tref yn agwedd hanfodol ar y broses gwneud penderfyniadau oherwydd eu hagosrwydd at eu cymunedau a materion lleol.

Gofynnodd y Cynghorydd L.M. Morris sut oedd perfformiad CSDd mewn cynllunio yn cymharu â lefelau cenedlaethol a dywedodd y RhRhD fod y Cyngor yn cael ei gyfrif yn ystadegol yn y chwarter uchaf yng Nghymru ar gyfer cyfran yr amddiffyniadau llwyddiannus yn erbyn apeliadau. Eglurodd y Rheolwr Gwella Corfforaethol (RhGC) fod dangosyddion cenedlaethol wedi newid yn ddiweddar fel mai dim ond 'dangosyddion strategol' cyffredinol fyddai'n berthnasol. Mae'r 'dangosyddion craidd' yn rhoi gwybodaeth fwy penodol ond nid oedd awdurdodau lleol yn gorfod cyhoeddi gwybodaeth yn erbyn y dangosyddion hyn bellach, ac felly bu mesur perfformiad cymharol yn anodd ei wirio. Gwnaeth y Cadeirydd y sylw fod hyn yn golygu y byddai'n anodd hefyd i'r cyhoedd benderfynu pa mor effeithiol y bu perfformiad y Cyngor, ond dywedodd y RhGC fod y dangosyddion y mae CSDd yn eu defnyddio yn fwy pwysig wrth glustnodi meysydd o wendid ac ysgogi ymyriad yn hytrach nag ar gyfer dibenion cymharol a thargedu.

Amlygodd y Cynghorydd M.L. Davies broblem gyda sicrhau cydymffurfiaeth â gweithdrefnau cynllunio, yn enwedig yr amser a gymerir i orfodi penderfyniadau, y

dywedodd PGCARh ei fod i'w briodoli i'r broses apelio statudol yn hwyhau'r camau ar gyfer gorfodi.

PENDERFYNWYD – *bod y Pwyllgor:*

a) yn nodi'r adroddiad a chanlyniadau apeliadau cynllunio dros y flwyddyn ddiwethaf;

b) yn argymhell bod dangosyddion perfformiad sy'n mesur effeithiolrwydd ymyriad a chyfryngu yn y broses gynllunio yn cael eu datblygu at ddibenion monitro perfformiad;

c) yn argymhell bod hyfforddiant priodol yn cael ei ddatblygu a'i gyflenwi i aelodau Cynghorau Tref a Chymuned ac aelodau Cydbwyllgor Ymgynghorol yr AHNE sy'n cymryd rhan yn unrhyw broses argymhell ffurfiol yn ymwneud â cheisiadau cynllunio i'w galluogi i gyflawni'r swydd yma yn effeithiol; a

d) yn argymhell fod strategaeth gyfathrebu'n cael ei llunio at ddiben ymgysylltu â chymdeithasau preswylwyr a'r cyhoedd mewn perthynas â materion cynllunio.

6 ADRODDIAD ARIANNOL 2011/2012

Cyflwynodd yr Aelod Arweiniol dros Gyllid ac Effeithlonrwydd adroddiad, a gylchlythyrwyd cyn y cyfarfod, a oedd yn rhoi diweddariad ar sefyllfa ariannol y Cyngor ar ddiwedd mis Chwefror. Aethpwyd â'r adroddiad i'r Cabinet ym mis Mawrth ac roedd yn cynnwys manylion cyllideb refeniw'r Cyngor a chyllideb y Cyfrif Refeniw Tai.

Hysbyswyd y Pwyllgor o ffigurau cyllidebol diweddar a oedd yn rhoi tanwariant net y Cyngor ar wasanaethau (ac eithrio ysgolion) yn £846k ac yn £400k ar gyllidebau corfforaethol, gyda throsariant net o £505k yn cael ei ragweld ar gyfer ysgolion. Roedd lwfans o 5% wedi'i ffactoreiddio yn y broses gosod cyllidebau i ddarparu ar gyfer unrhyw lithriant, ond gan y rhagweldid y byddid yn cyflawni'r targed arbedion yn llawn cytunwyd y byddai'r arian a arbedwyd yn cael ei gario ymlaen i'r flwyddyn ariannol nesaf i fuddsoddi mewn blaenoriaethau ar gyfer 2012/13. Cytunwyd y dyraniad yn £200k tuag at fuddsoddi ym mhrosiect Ysgolion yr Unfed Ganrif ar Hugain / Moderneiddio Addysg, gyda £100k yn mynd tuag at gymunedau a datblygu cynlluniau tref.

Gwnaeth y Cynghorydd L.M. Morris y sylw fod y ffigurau yn Atodiad 6 yn dangos bod gan CSDd un o'r ffigurau uchaf ar gyfer dyled y pen o'r boblogaeth mewn perthynas â benthyca darbodus a gofynnodd a oedd hyn yn gynaliadwy. Eglurodd y Prif Gyfrifydd Rheoli (PGRh) fod hyn i raddau helaeth at ddiben dod â'i stoc tai i fyny i Safon Ansawdd Tai Cymru (SATC) 2012 dan Gynllun Busnes y Stoc Tai ar gyfer 2011/12. Roedd hyn yn wariant angenrheidiol yn dilyn penderfyniad y Cyngor i gadw ei stoc tai, ac er nad oedd gan Sir Ddinbych bellach unrhyw ôl-groniad arwyddocaol o waith cynnal a chadw'r stoc tai nad oedd wedi'i ffactoreiddio yn ei chyllideb, roedd awdurdodau eraill eto i gychwyn y darn pwysig hwn o waith.

Rhodddwyd cost gwasanaethu'r ddyled yn tua 7% o incwm y Cyngor, y dywedwyd ei fod yn gyfforddus o hydrin ac ymhell o fewn y terfynau benthycy yr oedd y Cyngor wedi'u gosod. Ailadroddwyd na fyddai CSDd yn benthycy mwy na allai ei fforddio, ac nad oedd asesiad Swyddfa Archwilio Cymru o drefniadau benthycy'r Cyngor wedi codi unrhyw bryderon. Ychwanegodd y PGRh os oedd camau cynilo'r Llywodraeth i gael unrhyw effaith ar allu'r Cyngor i ad-dalu'r ddyled oherwydd gostyngiad yn y refeniw y byddai'r Cyngor yn gallu adolygu'r trefniadau ar gyfer ad-dalu'r ddyled.

Holodd y Cynghorydd G.C. Evans a oedd anghenion cymunedau'n dal i gael eu cwrdd gyda'r gostyngiad yn y gwasanaethau. Dywedodd yr Aelod Arweiniol dros Gyllid ac Effeithlonrwydd, y Cynghorydd J. Thompson-Hill mai cyfrifoldeb Penaethiaid Gwasanaethau oedd cyflenwi gwasanaethau, ac y byddai'n rhaid i Gynghorwyr dderbyn y byddai effaith amcanol yr Heriau Gwasanaethau fel yr oedd y Penaethiaid Gwasanaethau wedi'i phennu. Os na allai rhai o dargedau cyflenwi gwasanaethau yr Heriau Gwasanaethau gael eu cyflenwi, dywedodd y Cynghorydd Thompson-Hill y byddai rhywfaint o gyfle i addasu cynlluniau, fel oedd wedi bod yn wir yn barod.

Cydnabuwyd y gallai gwasanaethau ond cael eu haildrefnu hyn a hyn ac y byddai amser yn dod pryd y byddai angen i benderfyniadau anodd gael eu gwneud, megis darparu rhai gwasanaethau gan gyflenwyr allanol o bosibl. Cynigiodd y Cynghorydd H.L. Jones y dylai Penaethiaid Gwasanaethau, yn y cylch nesaf o Heriau Gwasanaethau, roi manylion pa gamau oedd wedi'u cymryd hyd yma a pha mor llwyddiannus y bu'r newidiadau hyn fel ffordd o gyflwyno'r broses a'i chyflawniadau i gynghorwyr newydd a fyddai'n ymgysylltu â'r broses a'r Gwasanaethau am y tro cyntaf.

Cynigiodd y Cynghorydd Evans hefyd y gallai grŵp ar wahân edrych ar y ffigurau a gyflwynwyd yn yr adroddiad ariannol yn fwy manwl, gyda'r Cadeirydd yn awgrymu'r posibilrwydd i aelod o'r Pwyllgor Craffu Perfformiad gynnig persbectif craffu yn y cyswllt hwn trwy fynychu cyfarfodydd o'r Pwyllgor Archwilio newydd.

Codwyd nifer o faterion hefyd mewn perthynas â'r canlynol:

- Yr angen i'r Grŵp Buddsoddi Strategol (GBS) dderbyn gwybodaeth lawn er mwyn bod yn sail i wneud penderfyniadau ac i gynrychiolwyr Craffu ar y Grŵp hwnnw a grwpiau eraill, megis y Grwpiau Herio Gwasanaethau, fwydo penderfyniadau/ argymhellion yn ôl i graffu yn rheolaidd trwy'r eitem agenda sefydlog sydd ar gael ar agendâu busnes pob pwyllgor.
- Pryder nad yw adroddiadau cyllid yn derbyn ystyriaeth mor drylwyr ag sydd angen oherwydd eu bod yn cael eu trefnu'n gyson ar ddiwedd agendâu cyfarfodydd.
- Cwestiynau a fyddai'r amrywiant trawiadol yn y gwariant ar gyfer Hamdden, Llyfrgelloedd a Datblygu Cymunedau yn rhoi'r gwasanaeth mewn perygl.
- Yr angen am gyfathrebu effeithiol â phreswylwyr i egluro pam bod rhaid gwneud arbedion ac i liniaru pryderon y bydd gwasanaethau a ddarperir yn cael eu cwtogi.
- Trafodaeth ar sut y gall arbedion a gwargedau cyllidebau gael eu hailfuddsoddi'n fwyaf effeithiol yn y flwyddyn ariannol ganlynol.

PENDERFYNWYD – bod y Pwyllgor:

a) yn derbyn ac yn nodi'r Adroddiad Cyllid a sefyllfa ariannol y Cyngor yn erbyn strategaeth ei gyllideb a'i Gynllun Ariannol Tymor Canolig (MTFP);

b) yn argymhell bod manylion llawn mesurau effeithlonrwydd a gymerwyd hyd yma a dadansoddiad o'u heffeithiolrwydd yn cael eu rhoi gan Benaethiaid Gwasanaethau ar ddechrau'r cylch nesaf o gyfarfodydd Herio Gwasanaethau;

c) yn argymhell bod strategaeth gyfathrebu effeithiol yn cael ei chyflwyno i hysbysu preswylwyr o agenda arbedion effeithlonrwydd y Cyngor a'r effaith ar y gwasanaethau y mae'r Cyngor yn eu darparu; a

d) yn argymhell bod Adroddiadau'r Gyllideb Refeniw a'r Rhaglen Gyfalaf yn cael blaenoriaeth uwch, o leiaf bob hyn a hyn, ar agenda cyfarfodydd Cyngor llawn er mwyn hwyluso trafodaeth fanwl ar eu cynnwys.

7 RHAGLEN WAITH CRAFFU

Cyflwynodd Cydlynnydd Craffu adroddiad, a gylchlythyrwyd cyn y cyfarfod, yn gofyn i'r aelodau adolygu Blaenraglen Waith y Pwyllgor ac yn rhoi diweddariad ar faterion perthnasol. Roedd blaenraglen waith ddrafft (Atodiad 1), blaenraglen waith y Cabinet (Atodiad 2), a thabl yn dilyn y cynnydd a wnaed yn erbyn penderfyniadau'r Pwyllgor (Atodiad 3) wedi'u rhoi ynghlwm wrth yr adroddiad.

Hysbyswyd y Pwyllgor na fyddai adroddiad yn manylu ar berfformiad ac adnoddau ariannol y tîm Gorfodi Cynllunio y gofynnwyd amdano mewn cyfarfod blaenorol ar gael gan fod Pennaeth Gwasanaethau Cyfreithiol a Democrataidd ag eisiau adroddiad mwy cynhwysfawr ar sut y gallai'r adran Gyfreithiol a Gorfodi Cynllunio weithio gyda'i gilydd yn agosach. Roedd y Cadeirydd wedi cytuno i ohirio ystyried yr adroddiad tan gyfarfod yn y dyfodol.

Eglurodd Cydlynnydd Craffu fod gan ddau gyfarfod nesaf y Pwyllgor Craffu Perfformiad a oedd wedi'u trefnu ar gyfer 28ain Mehefin a'r 6ed Medi ill dau fwy o eitemau i'w hystyried na'r nifer optimwm o bedair eitem, oherwydd yr etholiad lleol ym mis Mai a'r arferiad i beidio â threfnu cyfarfodydd Cyngor ym mis Awst. Roedd Grŵp Cadeiryddion ac Is-Gadeiryddion Craffu wedi awgrymu bod cyfarfod ychwanegol i'w gynnal ym mis Gorffennaf fel help i eitemau gael eu dosbarthu'n hawsach, a chytunodd y Pwyllgor y bydd cyfarfod yn cael ei drefnu ar gyfer 26ain Gorffennaf.

Ar ôl ystyried penderfynodd y Pwyllgor wneud y newidiadau canlynol i'r Flaenraglen Waith:

- 28ain Mehefin – Ychwanegu adroddiad ar yr 'Adolygiad o Drwyddedu a Diogelu Taccis'.

- 26ain Gorffennaf – ‘Gorfodi Cynllunio’, ‘Adroddiad Ariannol 2011/12 a Diweddariad 2012/2013’ a ‘Monitro’r Rhaglen Gyfalaf’ wedi’u trosglwyddo i’r cyfarfod hwn.
- 6ed Medi – Ychwanegu adroddiad ar ‘Diweddariad ar y Broses Herio Gwasanaethau’.

Nodwyd y gallai o bosibl fod dau newid i aelodaeth gyfetholedig statudol addysg ar bwyllgorau Craffu yn ystod 2012, gan fod tymor dau o’r aelodau yn y swydd yn dod i ben.

PENDERFYNWYD, yn amodol ar y newidiadau y cyfeiriwyd atynt uchod, cymeradwyo’r Flaenraglen Waith fel y’i nodwyd yn Atodiad 1 i’r adroddiad.

8 ADBORTH GAN GYNRYCHIOLWYR PWYLLGORAU

Derbyniwyd ymddiheuriadau am absenoldeb oddi wrth y Cynghorwr(wyr) Colin Hughes, Rhys Hughes a/ac David Lee

9 MONITRO’R RHAGLEN GYFALAF

PENDERFYNWYD dan Adran 100A Deddf Llywodraeth Leol 1972, gwahardd y Wasg a’r Cyhoedd o’r cyfarfod ar gyfer yr eitemau busnes canlynol am y rheswm eu bod yn debygol o olygu datgelu gwybodaeth eithriedig fel y’i diffiniwyd ym Mharagraff 14 Rhan 4 Atodlen 12A Deddf Llywodraeth Leol 1972.

RHAN II

Cyflwynodd y Prif Gyfrifydd Rheoli adroddiad cyfrinachol, a gylchlythyrwyd cyn y cyfarfod, a oedd yn cyflenwi’r Pwyllgor â Chynllun Cyfalaf wedi’i ddiweddarau ar gyfer 2011/12 – 2014/15, yn cynnwys y prosiectau a gymeradwywyd gan y Cyngor ar 28ain Chwefror 2012, i’w hymgorffori yng Nghynllun Cyfalaf 2012/13. Roedd yr adroddiad yn rhoi manylion datblygiadau diweddar mewn perthynas â phrif brosiectau’r Cynllun Cyfalaf, caffaeliadau a dymchweliadau eiddo.

Gofynnodd y Cynghorydd L.M. Morris sut oedd y gyllideb cyfalaf yn perthnasu â’r fframiau amser a oedd wedi’u gosod, ac eglurodd y PGRh sut y bu rhywfaint o lithriant wrth amserlennu ond bod y gyllideb yn gwneud lwfans ar gyfer rhywfaint o hyblygrwydd. Eglurwyd bod y rhan fwyaf o brif gynlluniau’r rhaglen gyfalaf yn cael eu cyllido naill ai drwy grantiau neu drwy gynlluniau benthyca darbodus, felly roedd amserlennu gwaith wedi’i seilio o ganlyniad ar ragdybiaethau ynghylch pryd y byddai cyllid grant ar gael i’w dynnu i lawr. Mewn rhai achosion byddai cyllid yn dibynnu ar fod prosiectau’n gallu cwrdd â therfynau amser ac felly nodwyd y gallai lithriant wrth ymlynu wrth gynlluniau gostio symiau sylweddol o arian i’r Cyngor yn y diwedd os na chaiff ei reoli’n iawn. Ni ellid osgoi peth oedi ond pwysleisiodd y PGRh na fyddai gwaith cyfalaf yn cael ei drefnu os nad oedd gobaieth rhesymol iddo gael ei gyflawni.

Cododd aelodau'r Pwyllgor nifer o faterion gyda'r Aelod Arweiniol dros Gyllid ac Effeithlonrwydd a'r PGRh, ac yn ystod y drafodaeth rhoddwyd ystyriaeth i'r canlynol:

- Cynlluniau wrth gefn os digwydd i brosiect dan y Cynllun Cyfalaf arafu.
- Yr angen i brynu defnyddiau cyn cwblhau'r dyluniad terfynol fel 'risg bwriadol' i alluogi i derfynau amser gael eu cwrdd.
- Diffyg eglurder ynghylch y Gwaith Cludiant Gweithle Ysgolion y cyfeiriwyd ato yn yr Atodiad yn manylu ar ffigurau terfynol Moderneiddio Addysg.
- Pryder ynghylch pa un a allai'r dyraniad cyfalaf ar gyfer y cynllun atal llifogydd yng Nghorwen gael ei roi mewn perygl, petai'r cynllun yn cael ei ddal yn ôl am 12 mis;
- Trafodaeth ar sut oedd elw o werthu eiddo CSDd yn cael ei ailfuddsoddi

PENDERFYNWYD, yn amodol ar y sylwadau uchod, bod y Pwyllgor yn nodi'r sefyllfa ddiweddaraf ynglŷn â'r Cynllun Cyfalaf am y cyfnod 2011/12 i 2014/15.

Hysbysodd y Cynghorydd Thompson-Hill y Pwyllgor fod y Prif Gyfrifydd Rheoli, Richard Weigh, wedi'i benodi'n ffurfiol yn ddiweddar i swydd Prif Gyfrifydd Rheoli a Dirprwy Swyddog Adran 151 yn barhaol, a chynigiodd y Pwyllgor eu llongyfarchiadau ar hynny.

Mynegodd aelodau'r Pwyllgor eu diolchgarwch i'r Cynghorydd Thompson-Hill am ei bresenoldeb rheolaidd mewn cyfarfodydd Pwyllgor Craffu a chanmolasant ei frwdfrydedd a'i ddawn yn ei rôl fel Aelod Arweiniol dros Gyllid ac Effeithlonrwydd. Bu iddynt fynegi eu gwerthfawrogiad iddo hefyd am ymgysylltu o'i wirfodd â chraffu heb geisio rhwystro neu ymyrryd â'r broses graffu.

Gan mai hwn oedd cyfarfod olaf y Pwyllgor cyn yr etholiadau lleol, dymunodd y Cadeirydd lwc yn y dyfodol i'r Cynghorwyr sy'n ymadael a dymunodd lwc dda i aelodau eraill y Pwyllgor yn eu hymgyrchoedd etholiadol.

Daeth y cyfarfod i ben am 12:15pm.